



# City of Grand Rapids, Michigan

OFFICE OF THE MAYOR

ROSALYNN C. BLISS  
MAYOR

Turabaramutsa nshuti namwe baturanyi. Turimo turanyura mu bihe bigoye, tutigeze twitegura kandi biteye agahinda mu mateka yacu – haba hano iwacu aho dutuye no ku rwego rw'igihugu. Amakuru asanzwe n'amakuru mashya arimo arihuta cyane akaba arimo adusiga, kandi buri wese muri twe yagezweho n'ingaruka ku buryo bumwe cyangwa ubundi. Uko tugenda twoga muri izo ngorane, Grand Rapids ishobora kwisunga imbaraga zazu: tugafatanya. Ni igihe ko ku ruhande rwacu dushyigikirana, kugira ngo dukomeze kugira umutekano kandi dutabare ubuzima bwacu.

Mu gihe tuzi ko bikomeye, ni ngombwa ko dukurikiza inama zirebana no kwirinda kwegerana n'abandi bantu, bishobotse tukaguma imuhira (cyane cyane mu gihe turwaye), kwirinda gutteranira hamwe n'abo duturanye kandi ingendo n'inzinduko zitari ngombwa tukabyimurira ikindi gihe. Ibi ni ibyemezo bigoye, ariko birakenewe.

Nk'uko wabyumvise, ubutumwa dusabwa gusohoza ubu buroroshye: gufasha kugabanya no gukumira ikwirakwira rya virusi itera indwara ya COVID-19. Ibi bidufasha kugenzura neza ko umuntu ufite intege nkeya kurusha abandi agomba gukomeza kugira umutekano kandi ko amagara yacu agumana ubushobozi bwo kwita ku barwaye. Naho ubundi, na sisitemu yacu y'ubuvuzi isanzwe ifatwa nk'ikitegererezo byayirenga.

Abakozi bacu tutashobora kwiyumvisha uburyo bitanga hano mu Mugi barakomeza guhuza ibikorwa byabo n'abakozi ba Kawunti, aba Leta n'ab'igihugu mu gushyigikira igisubizo turimo dushaka. Ibi bihe byerekanye ko ibintubihinduka isaha ku isaha, kandi turakomeza gukurikiza inama zituyobora bagenda baduha. Icyo nakubwira ni uko uyu Mugi wiyemeje gutanga serivisi zinoze, amakuru yizewe n'ubuyobozi butajegajega hatitawe ku gihe iki gisubizo kizamara.

Muri ibyo harimo gateganya none duteganyiriza igihe kizaza. Tuzi umuzigo tudashobora kwiyumvisha mu rwego rw'ubukungu ku baturage bacu no mu bacuruzi twikoreye mu cyumweru kimwe cyonyine. Hari intambwe za mbere nziza zatewe kuva ku rwego rwa guverinema y'igihugu n'iya Leta mu korohereza abantu, kandi turimo turakora kugira ngo twemeze uruhare umugi wacu uzagira kugira ngo abaturage bacu bazagire inyungu bungukiramo.

Turimo kandi turareba porogaramu zazu n'ibikorwa twitekerereje kugira turebe ukuntu byakwifashishwa mu gufasha abaturage bacu atari muri ibi bihe bikomeye gusa ahubwo na nyuma y'aho. Turashaka kuguma ku muvuduko w'ubukungu bwacu twubatse mu myaka icumi ishize, kandi abaturage bagakomeza kugira umutekano kandi ntibahungabane mu ngo zabo no mu kazi kabo.

Turebye amakuru menshi arushaho gúcicikana kuri televiziyo no ku mbuga nkoranyambaga bishobora kudukomerera kugendana nayo, cyangwa ndetse no kumenya icyatugirira akamaro twebwe mu rugo. Mu gihe habaye ibintu byihutirwa birebana n'ubuzima nk'ibi, Ishami ryita ku Buzima muri Kawunti ya Kent rifata iya mbere mu guhuza ibikorwa, turabasaba kwiyandikisha kugira ngo mubashe kujya mubona amakuru mashya hano. Niba hari ibibazo ufite wifuza gusobanuza birebana na Serivisi z'Umugi, ushobora guhamagara buri gihe kuri 3-1-1 ugahabwa ibisubizo.

Ibi bintu birakomeye –nta gushidikanya kuri ibyo. Ariko nzi neza ko dufite ubushobozi bwo guhangana n'izi ngorane. Wimenye wiyyiteho neza. Umenye umuryango wawe uwiteho n'abaturanyi. Umenye neza gushimira abakozi bo mu rwego rw'ubuzima, b'abatanga serivisi n'abandi bakozi bari ku rugamba muri ibi bihe. Sintekereza ko hari undi mugi witeguye neza guhangana n'izi ngorane kuturusha.

Murakoze,

Rosalynn Bliss